



Vniuersa Theologia Scholastica, Speculatiua, Practica

Ad methodum S. Thomæ, quatuor Tomis comprehensa

Tanner, Adam

Ingolstadii, 1626

II. An etiam habeat aliquod vbi intrinsecum, & quale: & an etiam necessario sit in loco.

[urn:nbn:de:hbz:466:1-72856](#)

dicitur: quia nimirum modo indivisiibilis est in loco
totorum in toto, & totus in qualibet parte, ut bene Vas-
quez disputatione 187. num. 5.

¹² Allectio V. Angelus non est ubique, sed quisque
proprio & certo loco definitur; ac proinde est in lo-
co non quidem circumscriptiuè, sed definitiuè. Hęc
assertio est communis, & certa contra Durandum
in 1. dist. 37. part. 2. q. 1. & 2. qui ut benē expendit
etiam Suarez hic lib. 4. c. 1. n. 9. plane significat, An-
gelum simul esse substancialiter (etiam) Durandum
illam presentiam vocet ordinis) ubiqueque operari
potest, siue simul, siue successuè; adeoque in omni-
bus corporibus universi, quamvis illa porro semper
multiplicantur. Vnde cit. q. 2. colligit, Angelum
propriè non moueri localiter, ita ut transferatur de
loco ad locum; quia non est in loco circumscriptiu-
um, neque definitiuè; sed simul est in omni loco, in
quo esse potest. Quæ sententia, utraque Suarez n. 12,
sine dubio est plus quam temeraria, et communiter er-
ronea iudicatur.

¹³ Ratio est. Tum quia Scriptura soli Deo immen-
sitatem & omnipotentiam tribuit, ut suo loco dic-
tum. Tum quia eadem Scriptura, & SS. Patres pa-
sim dicunt, Angelos moueri localiter, & uno loco
deserto, esse in alio, ut dicitur dubio quinto. Tum
quia idem conuincit ratio: Vis enim existendi in
loco sequitur perfectionem essendi ac proinde nulla
creatura potest esse immensa, adeoque nec omni-
presens in locis multiplicatis in infinitum, nisi infi-
nitata; et si nescio quare Sanctus Thomas 1. sent. loco
cicato, hanc rationem videatur habuisse pro insi-
ma.

¹⁴ Hinc autem colligitur posterior pars assertioneis;
quia esse circumscriptiuem in loco, est commensura-
ri loco, ita ut totum locatum toti loco, & pars parti
respondeat. Definitio autem esse in loco, est ita esse
in aliquo loco, ut simul non sit ubique, aut alibi; et
iam res locata interim loco non coextendatur,
quia non est quanta. Neque ullius momenti sunt
rationes Durandi in contrarium allatae.

¹⁵ Dicuntur tamen etiam aliquando Angelii loco cir-
cumscribi, ut loquuntur Damascenus 2. de fid. capite 3; Athanasius epist. ad Serap. Theodoretus q.
3. in Genes. Gregorius 1. Moral. capite 2. & ho-
mil. 34. in Ewang. Sed non alio sensu, nisi quia cer-
to loco definitiuncula & limitantur, ut ex communi
recte Vasquez cit. disputatione 187. capite 1. Atve-
ro & qua ratione Angelo necessaria conueniat esse
in loco extrinseco, dicitur dubiusq. assert. 6.

D V B I V M . II.

*Vtrum Angelus habeat etiam a-
liquod ubi intrinsecum, et qua-
le, et an etiam necessario.*

S. Thomas 1. p. q. 52. a. 1.

¹ A assertio I. Angelus existens in loco, habet etiam
intrinsecum ubi, seu intrinsecum modum pre-
sentiae, substantiam ipsius Angeli immediata affi-
cientem, & ex natura rei ab ea distinctum; sine quo
existere in loco non potest. Ita ex instituto docent

& probant Molina hic q. 52. a. 1. disp. vii. memb. 5
Suarez Metaph. disp. 51. sect. 3. & 4. & hic lib. 4.
c. 2. & sequitur Albertinus tom. 2. prædic. Quant.
coroll. 15. dub. 1. 3. & 4. vbi titat etiam Scotum in
2. dist. 2. q. 6. Basiolem eadem dist. q. 3. a. 2. Richard-
dum in 7. distinct. 37. arr. 2. quæst. 1. nec immer-
tò, ut dicemus. Eandem assertiōem ex recentioribus
sequuntur Pelsanius & Malonius, quos citat
Suarez cit. cap. 2. num. 4.

² Ex antiquioribus autem Theologis, tamē res
hæc ex instituto ab eis non fuit disputata, idem signi-
ficat Richardus in 1. dist. 37. a. 1. quæst. 1. vbi ait,
*Formalis applicatio Angelii ad locum est similitas sua cum
loco, vel cum re existente in loco.* Item Henricus quodlib.
2. quæst. 9. dum docet, existentiam Angeli in
locorum esse operationem in corpus, nec passio-
nem Angeli à corpore, nec esse nudam substantiam
Angeli. Item Alensis 2. part. quæst. 32. memb. 1.
dum concludit, possit dici, Angelum non esse in lo-
co, nisi quia est præsens loco, sine dependentia ab ipso; li-
cet antea hac de re obscurè fuerit locutus, ut benē
expendit Suarez hic lib. 4. cap. 2. n. 10. Fauent et
iam Bonaventura in 2. dist. 2. parr. 2. art. 2. quæst. 1.
Scotus dist. 2. q. 6. Gabriel q. 2. a. 2. Ariminensis
q. 2. art. 2. Marsilius in 2. q. 2. a. 2. quatenus aūnt,
Angelos esse in loco per suam substantiam; nempe
tanquam per fundamentum & subiectum eius rati-
onis, per quam Angelus formaliter est in loco.

³ Contrarium tamen sentit Vasquez disp. 188. ca-
pите 7. qui negat eum modi ubi Angelicum in ipsa
Angeli substantia inhærens, ratus, Angelum non
posse per se immediate esse in loco; sed loqui per a-
liquem modum unionis realis ad corpus, cui per in-
distans coniungitur; ratione cuiusmodi dicatur
Angelus esse in loco, itemque realiter præsens vel
absens, siue distans esse ab aliquo loco vel corpore,
ut dub. 3. dicetur & refelletur. Aduersari etiam hu-
ic assertiōi videntur illi, qui docent, Angelum so-
lum esse presentem loco per actionem transiūtem,
aut applicationem potentia ad illam; aut aliud
modum voluntari Angelo: qui proinde etiam sen-
tunt, Angelū posse esse nulli præsenti, ut dicent?

⁴ Probatur vero assertio eomuni ratione, qua idem,
seruata proportione, probatur de corporibus. Quia
Angelum v. g. esse in hoc, vel illo loco, est effectus a-
liquis realis positivus in rerum natura, ad quem est
motus, & qui per motum acquiritur; nec sequitur
ex sola existentia talium rerum, puta ipsius loci, &
Angeli: Ergo est aliquid reale illis superadditum.
Consequens probatur. Quia non potest esse, nec
intelligi nouus aliquis effectus realis, sine noua for-
ma, vel modo reali: qua ratione etiam de ratione
animæ cum corpore, deque mysteriis Incarnationis
& Eucharistie Theologi communiter philosophantur;
cum illud principium in omni materia, sic per
se & ex terminis necessarium, ut bene Suarez hic
cit. cap. 2. num. 5. & agnoscit etiam Vasquez loco
cit. qui propterea fatetur, Angelum non esse in loco
extrinseco, quin præter ipsum locum, & actionem
transiūtem, sit in ipso. Angelo aliquis intrinsecus
modus accidentialis, & ex natura rei ab eius sub-
stantia distinctus, rante si postea hunc modum a-
liter explicit, ut dictum. Et confirmatur. Quia mo-
tus localis Angeli, non minus quam corporum, est

aliquid reale & intrinsecum Angelo: Ergo habet terminum realem intrinsecum, qui per ipsum acquiratur, & cum quo identificetur: sed non potest fungi aliud, quam Vbi illud, seu modus praesentiae localis. Ergo, &c.

5 Hoc vero Vbi immediatè ac realiter afferre ipsam substantiam Angeli, contra Vasquez & Thomistam assert. 4. referendos, ex eo probatur. Quia Angelus subiectuè per suam etatem substantiam, immediatè est præsens seu indistans in hoc vel illo loco seu spatio; neque indiget ad hoc vel operatione aliqua, vel illo modo coniunctionis realis cum corpore, ratione cuius illi conueniat esse in loco, seu præsentem esse alicubi, ut dicetur dub. 3.

6 Assertio II. Vbi hoc Angelicum est modus quidam accidentalis ipsius Angeli, qui refertur ad prædicamentum Vbi. Ita Suarez, & alij citati pro assertione prima. Et quidem esse modum accidentalem, adeoque accidens, ex eo patet, quod in particulari ac in sensu distributivo potest ab essentia & substantia Angeli separari. Non esse vero quantitatem, aut vlna accidentis materiale, pater ex eo, quia est in subiecto plane spirituali, cum quo identificatur. Non esse qualitatem, ex eo probatur: quia hic modus per se motu acquiritur, velut terminus eius intrinsecus; quod nulli qualitati conuenire potest; alias enim motus localis esset alterius. Nec potest esse sola ac mera relatio præsentiae; et si ita locutus videatur Scotus loco citato. Tum quia nec ad relationem per se est motus. Tum quia relatio præsentiae necessariò requirit & supponit fundatum; quod aliud esse non potest, quam modus ille absolutus, in substantia Angeli existens, quem vocamus intrinsecum eius Vbi. Qui proinde ad prædicamentum Vbi refertur. Et vero putant Molina hic quest. 53. articulo 1. & Suarez cit. disserunt. Metaph. 51. sec. 4. & rursum hic libro 4. capite 2. num. 13. Vbi hoc Angelicum, habere cum Vbi corpore sufficiētem proportionem & conuenientiam, ut ab utroque communis conceptus vniuersus abstrahi possit, quo simul in eodem prædicamento ponantur: quod non dispergit. Nihilominus enim, hoc etiam concessio, stat assertio 4. dubio primo ex Sancto Thoma proposita; quia aliud est locus extrinsecus; aliud Vbi intrinsecum, in qualicunque demum loco: siquidem hoc absolute etiam sine omni loco extrinseco esse potest, ut dicimus. Neque Scotus dum eam relationem vocat, intelligit meram relationem, quam nos prædicamentalem dicimus; sed relationem transcendentalem, quam ipse alias extrinsecus aduenientem solet dicere; qui proinde à nostra sententia ipsa non discrepat.

7 Assertio III. Vbi hoc intrinsecum Angeli, per se non dependet à loco seu corpore extrinseco; neque ad illum adeò transcendentalem haber relationem; sed ad spatiū, vel quasi spatiū, in quo Angelus constituitur. Ita Molina loco cit. Suarez lib. 4. cap. 8. Albertinus & alij loc. cit. qui hunc modum agnoscunt; tametsi Vasquez de suo illo modo, per quem Angelum putat esse in loco, oppositum assertat, ut dicetur dubio sequenti. Ratio sumitur ex dictis. Tum quia Angelus quoad suam existentiam à loco extrinseco nullo modo dependet;

cum tamen hoc modo carere vnde aquae non possit, ut dicetur. Tum quia Vbi intrinsecum immotum & invariatum existit, quādiu Angelus localiter non mouetur, manente scilicet eadem, distantia ad fixas partes mundi, etiam si corpus seu locus extrinsecus materialiter mutetur; iuxta communem Philosophiam, & sensum. Nec obstat, quod spatium illud, ut sic, non est aliquid positivum reale, imo respectu Angeli, ut appareat, nec proprium quidem spatium, intraterminus videlicet reales interceptum. Siquidem relatio transcendentalis esse potest ad terminum etiam non realem; ut scientia ad priuationem vel negationem cognitam; potentia operativa ad obiectum non existens. Præterquam quod præsentia, quoque, seu Vbi Angelicum, habet aliquam extensionem in ordine ad spatiū; cuius proinde terminis ipsum quasi spatiū intercipitur, ut dicimus. An vero eiusmodi relations transcendentalis sint verae relations reales, & secundum esse; an potius secundum dici, sive secundum nostrum modum, concipiendi tantum, communis est difficultas omnibus eiusmodi relationibus transcendentalibus, quam non est huius loci discutere: et si nos ex communiori philosophia supponimus, easdem esse relations reales.

Assertio IV. Idem Vbi est immediatum fundatum relationis realis præsentiae vel distantiæ eiusdem Angeli, à locis siue corporibus, à quibus per suam substantiam indistans vel distans est Angelus. Ita Suarez cit. 3. part. tom. 3. disp. 47. & 48. & hiclib. 4. c. 8. & consentiunt alij, qui eundem præsentia modum agnoscunt; quique simul tentur, non solum corpus, sed etiam Angelum, per suam existentiam in loco habere, secundum etatem substantiae siue, realē relationem præsentiae vel distantiæ ad corpora, quibus adeat, vel à quibus absit: tametsi Capreolus, Ferratiensis, & Caietanus existimant, non esse in substantia Angeli, etiam quando est in loco, relationem aliquam præsentiae substantialis, hoc est, præsentia ipsius in substantia Angeli ad locum, sed solam indistantiam negantur. Quod etiam sentit Vasquez cit. c. 7. dum negat, Angelū per se, & secundū suam substantiam immedietate, posse realiter distare, vel præsentem esse alicui, siue corpori, siue alteri Angelo, siue loco, abque modo uniois reales cum corpore in quo est, de quo dub. seq.

Ratio assertionis est. Quia simile Vbi, in corporibus est fundatum eiusmodi relationis præsentiae vel distantiæ, neque haec relatio realis magis repugnat substantiae Angeli, quam ipsum Vbi, ex quo oritur, ut pluribus dicitur dub. seq. Vbi contraria obiectio Vasquez, & aliorum dissoluens. Neque ab hac conclusione dissentit Molina l. c. dum profundam etiūmodi relationum assignat ipsam substantiam Angeli; pro ratione autem fundandi actionem, qua Angelus tali vel tali loco constitutus est. Intelligenam id debet de substantia Angeli affecta illo modo præsentiae, quem ibidem aperte agnoscit & tradit, ut dictum. Quod ipsum etiam indicauit Gregorius de Valentia q. 3. punct. 2. dum ait, earundem relationum fundatum esse substantiam Angeli, cum negatione distantiæ.

Assertio V. Modus ille præsentiae, seu Vbi Angelicum,

licum, et si sit spiritualis, adeoque indiuisibilis ex parte subiecti, in ordinē tamen ad locum seu spatiū, in quo Angelus est, aliquo modo est diuisibilis, & constans ex pluribus partibus entitatis, ex quibus quasi integratur, & constituitur, atque per spatiū seu locum extensum quasi continuatur, & coextenditur, sine villa ipsius Angeli coextensione. Hanc assertionem late defendit & explicat Suarez Metaph. disputat, 5 i. num. 36. & disp. 30. num. 49. 50. 51. & in 3. part. tom. 3. disp. 48. scđt. 1. & hic lib. 4 cap. 17. & sequuntur multi recentiores, ut ex Vasquez fateretur Albertinus infra; et si non solum repugnet Vasquez, qui suum etiam illum, quem in Angelo alicubi existente, constituit modum visionis realis cum corpore locante, solum dicit esse virtualter extensus, sed etiam Albertinus citat. tom. 2. Prædicam Quantit. quest. seu coroll. 5. dubit. 5. qui itidem docet, Vbi illud Angelic. m., quod vna cum Molina & Suarez assuerat antea, solum esse virtualiter diuisibile & extensum, formaliter autem plane indiuisibile, non solum in ordine ad subiectum, sed etiam in ordine ad locum seu spatiū.

Sed probatur assertio primo. Quia pars aliqua huius Vbi potest amitti, veletiam acquiri, manente reliqua. Ut cum Angelus existens in loco sibi adæquato, suo arbitratu, vt potest, minorum locum, seu spatiū occupat; vel cum existens in loco inadæquato, maiorem locum seu spatiū occupat. Sit enim V. G. Angelus existens in loco quadripalmari, & contrahat se ad duos palmos; tunc ergo quando præsentia Angeli definit esse in duobus palmis; aut pars tantum aliqua ipsius Vbi, quæ nempe duobus palmis respondebat, definit; aut nihil ipsius Vbi definit; sed manet totum Vbi indiuisibile, sicut erat antea, aut totum Vbi indiuisibile definit; & producitur aliud de nouo adæquatum duobus palmis; non enim datur quartum. Si primum dicatur, habetur intentum. Secundum dici non potest. Quia si totum Vbi maneret, tum Angelus esset in eodem loco adæquato, in quo erat antea: si quidem effectus quasi formalis & immediatus ipsius Vbi, est actualis, vt ita dicam vñificatio; quæ cum nunc sit diversa à præcedenti, impossibile est, vt Vbi sit plane idem & immutatum. Tertium etiam dici non potest; tum quia per se incredibile, est, cessante Vbi ipsius Angeli, in parte solum aliqua loci, eo ipso cessare & desinere totum Vbi, etiam in ea parte loci, in qua adhuc Angelus permanet. Tum quia inde sequeretur, si Angelus se contrahat successiue, futurum, supposita communi Philosophia, vt tunc corrumpantur & producantur infinita Vbi indiuisibilia, vnum immediate post aliud, quod plane est absurdum; siquidem inde etiam vñterius sequeretur, futura esse infinita instantia immediata, quandoquidem vnumquodque eiusmodi Vbi habet durationem suam in trinsecam indiuisibilem, nec ullum est assignare tempus vel instantis, in quo non acquiratur nouum Vbi.

Secundo, simile argumentum fieri potest de motu Angelii continuo. Potest enim Angelus moueri motu continuo, vt supponimus. Ergo vel successiue acquirit Vbi extensum in ordine ad locum; vel in quolibet instanti temporis totum Vbi simul

amittit, & aliud nouum Vbi acquirit: Sed hoc fieri non potest, nisi infinita vbi, per infinita instantia sibi immediate succedentia, acquirantur. Si enim vel in uno instanti non acquiritur nouum Vbi priori corrupto; Ergo aliquatillo tempore intermedio non erit motus, sed quies; imo cum non sit maior, aut alia ratio de uno instanti intermedio, quam de alio; si in uno instanti intermedio non acquiritur nouum Vbi indiuisibile & adæquatum toti Angelo, in nullo acquiretur; vnde sequitur, nullum penitus nouum Vbi ex motu ab Angelo posse acquiri. Quia cum vbi hoc Angelicum actu sit plane indiuisibile, fieri nullo modo potest, vt successiue vel in tempore acquiratur; sic enim alia pars post aliam acquireretur: Ergo fatendum est, in motu continuo Angeli successiue acquiri & amitti, aut Vbi extensum in ordine ad locum; aut infinita vbi totalia, adæquata & indiuisibilia, ac inter se plane distincta ac diuersa: quod est absurdum.

Ad hoc vtrumque argumentum responderet. Albertinus loc. citat. concedendo, quod in motu continuo Angeli infinita indiuisibilia Vbi producantur & corrumpantur. Sed inde, inquit, nullum sequitur absurdum: eo quod hoc Vbi Angelicum, sicut est formaliter indiuisibile, & virtualiter diuisibile in ordine ad locum, habeat etiam suam durationem proportionatam, formaliter scilicet indiuisibilem, & virtualiter diuisibilem; ita vt quolibet vbi duret per aliquod tempus indeterminatum, sicut duraret pars extensa ipsius vbi, si daretur vbi extensum. Sed hæc responsio minime satisfacit, tum quia admittit in rebus successiuis infinitum actu; idque actu etiam ac re ipsa successiue pertransitum: quod est impossibile, vt suo loco dictum. Tum quia implicat contradictionem, vt si motus, aut extensio localis Angeli sit continua, idem plane Vbi illo tempore etiam indeterminato permaneat; cum in quolibet non solum tempore, sed etiam instanti temporis, acquiratur aliquod nouum Vbi: si enim hoc non fieret; iam aliquo tempore intermedio esset quies, ac proinde motus non esset continuus, quod est contra hypothesis.

Tertio. Sicut se habet vno spiritualis animæ rationalis ad corpus, ita se habet Vbi Angelicum ad locum, vt communiter concedunt etiam opposita sententiae auctores: sed vno hæc, licet in se & ex parte subiecti sive animæ, spiritualis sit, tamen in ordine ad corpus est diuisibilis: quia cum brachium V. G. homini absinditur, pars huius vñionis, cum ipso brachio, destruitur: reliqua autem vno cum reliquo corpore permanet. Item cum homo per augmentationem sive diminutionem etiam continua crescit aut decrescit, non continuo tota vñdiquaque noua & indiuisibilis vno cum toto corpore producitur, vel amittitur; sed pars post partem: alioquin aut continua esse non poterit ea mutatio, contra communem Philosophiam; aut sequetur, infinitas eiusmodi vñiones per infinita instantia sibi immediate succeditia fuisse productas; quod plane est absurdum, ex dictis. Idem argumentum fieri potest de simili vñione vel præsentia corporis Christi cum speciebus.

15 Ad hoc argumentum Respondeat Albertinus loc. citat. hæc duo exempla, nihil probare. Dicitur enim, inquit, quod quando anima definit informare (vnam partem corporis;) vel quando corpus Christi definit esse in aliqua parte hostia, tunc totum ubi corruptitur, & producitur aliud de nouo. Sed hoc plane videatur incredibile, ut dictum.

16 Contra nostram vero sententiam obiicitur, quod in ipsis terminis videatur implicare, ut res spiritualis sit extensa in ordine ad locum, præterit si ex parte subiecti non sit extensa; cum vnaquaque forma det effectum & rationem suam formalem, suo subiecto, quam habet. Respondeatur, id non esse impossibile; quod ostenditur variis exemplis. Tum quia spirituali qualitatibus repugnat compositione & diuilibilitas secundum intentionem; immo nec secundum extensionem (in habitibus) in ordine ad obiecta. Tum quia non repugnat vniuersi anima in ordine ad corpus, ut dictum. Tum quia si Angelus esset in pluribus locis discretis inadæquatis, vbi absoluta falem DEI potentia fieri posse nemo negaverit, haberet sane in eodem subiecto indiuisibili plura eiusmodi Vbi partialia recipi distincta: sicut etiam corpus Christi in diversis locis, sub diversis speciebus existens, haberet plane diuersa eiusmodi vbi partialia. Ergo non repugnat etiam in eodem subiecto plura eiusmodi partialia vbi in ordine ad diuersas partes loci seu spatii. Nihilominus enim vbi hoc suam rationem formalem, quam habet, etiam communicabit subiecto; non quidem faciendo, ut illud in seipso etiam immediate sit extensem, in ordine ad locum, hoc enim proprium est quantitatis praestare: sed ut habeat vbi extensem, in ordine ad locum; cum tamen ipsum subiectum, secundum entitatem suam, indiuisibiliter sit totum minus sub qualibet parte huius Vbi, quam in qualibet parte loci seu spatii.

17 Afferio VI. Angelus existens in hoc vniuerso, necessario est in loco, etiam extrinseco & corporeo: nec vero spatiam, aut vlo modo existere potest absque illo intrinseco modo praesentia seu Vbi localis. Primum partem tradunt Alensis 2. part. quæstione 3. mem. 1. vbi dicit, Angelum necessario intra locum aliquem corporeum contineri. Idem sentit Durandus citat. quæstione secunda, & aperte hic Molina loc. citat. Suarez libro quarto, capit. tertio, numero tertio, & capit. sexto, numero 14. & Albertinus tom. 2. Præd. Quant. coroll. quinto, dubio primo, & videtur communis; tametsi contrarium, ut vidimus, afferant Sanctus Thomas in 1. sent. loc. citat. & cum eo nonnulli Thomistæ alii, qui docent, Angelum esse in loco per solam operationem transiunt, ut dicemus dubio sequent. & præterhos etiam Vasquez disputat. 188. cap. septimo. Probatur & declaratur afferio. Quia Angelus est in loco extrinseco, per ipsam intimam praesentiam, seu indistantiam substantiae sua ab eo loco, ex dictis: at vero supposita lege Dei ordinaria, & conditione praesentis vniuersi, Angelus in hoc vniuerso existens, necessario est per suam substantiam indistans, adeoque praesens alicui loco extrinseco & corporeo; siquidem vacuum nullum in hoc vniuerso datur; nec est nullum spatium sine corpore; Ergo vbi vbi existat Angelus, in hoc vni-

uerso, necessario est in aliquo loco corporeo extrinseco.

18 Addit Alensis, & consentit Suarez capite secundo, numero decimo, nec posse quidem Angelum, secundum ordinariam Dei legem, extra vniuersum, hunc mundum se constitutere; et si sua natura possit, nisi ordo vniuersi à Deo constitutus, sive lex Dei extrinseca obstaret; de quo dubito; quia scit Angelus natura sua non potest discontinuare inter corpora, constitudo vacuum; ita etiam forte non potest se, aut aliquid aliud, per naturæ vires, extra totum vniuersum in nihilo, ut ita dicam, constituere; propter eam, quam vniuersum ipsum, omnesque eius partes sua quasi natura possulant, vniuersum & coniunctionem.

19 Secundam partem tradunt Molina, Suarez, Albertinus loc. citat. & indicat Alensis loc. citat. & fauunt alii eius modi assertores, contra Vasquez, qui putat, Angelum posse suo arbitratu se absoluere ab omni modo praesentia localis, non tantum in particulari, sed etiam vniuersum, ut dicemus, & ex instituto refellentes dub. sequent. Ratio assertionis breuiter est. Quia sicut existere absque duratione, aut durationis momento, nihil potest; nec motus esse sine tempore; ita existere substantia creata non potest nisi alicubi, seu cum habitudine ad locum, seu loci spatium, cui aliquo modo adequetur; multo mitius esse alicubi potest, nisi per vbi; seu modum illum intrinsecum ad Vbi spectantem. Tum quia vbi illud, ex dictis, non dependet à loco extrinseco; potest enim esse & permanere idem Vbi, etiam mutato, immo penitus sublatio loco extrinseco; modo ipsum mobile sit immotum: Ergo siue Angelus sit, vel constitutatur intra hoc vniuersum, siue extra, ut reuera esse potest, vbi que tamen eodem modo habebit suum illud Vbi intrinsecum. Plura Suarez hic cap. octavo, num. 3.

Ident. indicant Aristoteles 4. Physic. capit. 1. vbi sentit, ea quæ sunt, esse alicubi. Et Tullius Tuscul. 1. ait; Id quod est, nonquam esse non potest. Et Hilarius capit. quinto in Matth. dicit; Omne quod creatum est, alicubi esse, ut bene Molina loc. citat. Nec obstat, quod Angelus suo arbitratu desiderere potest hoc vel illud vbi; sepe enim accidens aliquod particolare in indiuiduo à subiecto potest separari, non tamen vniuersum; ut haec vel illa figura à quantitate; non tamen omnis figura; haec vel illa intensio à qualitate, non tamen omnis. &c. hic velille locus à corpore, non tamen omnis.

Obiliies contra traditam hactenam doctrinam. Sicut se habet res ad Quando, seu durationem, & esse in tempore, ita etiam ad vbi, seu esse in loco; sed neque duratio, saltem permanens, neque esse in tempore, dicit modum intrinsecum à parte rei distinctum ab ipsa existentia rei. Ergo neque vbi est modus intrinsecus à parte rei distinctus ab existentia rei. Maior probatur. Quia duo illa prædicamenta vbi & Quando ab Aristotele & Philosophis inter se quasi ex æquo condistinguntur; & esse in tempore, & esse in loco, simili modo & ratione de re prædicari videntur. Minor de duratione à parte rei non distincta ab existentia rei videtur communior in Philosophia sententia; quam speciatim tradunt Ockam in 2. questione, 10 Gabriel in 2. dist. 2.

quæst. I. art. I. Suarez Metaph. tom. 2. disputat. 50. sec. 1. num. 5. & significant Scotus in 2. d. 2. quæst. I. Balliolis quæst. I. art. 3. Capreolus q. 2. art. I. & 3. & Sonciniatis ibidem.

Respondeo primo, minorem non esse certam. Primo enim fatendum est, saltem durationē rei successuam, scilicet motum & tempus intrinsecum, esse aliquid à parte rei distinctum ab ipsa existentia rei permanentis, quæ mutatur aut tempore mensuratur, puta motum & durationem nutritionis, augmentationis, ab ipsa existentia animalis quod nutritur & augetur. Secundo valde probabile est, ipsam etiam durationem permanentem cuiusq; rei, ab ipsa re seu existentia rei, à parte rei, seu ex natura rei esse distinctam. Ita docent Richardus in 2. distin. 2. q. 1. a. I. Maicon q. 2. Argentina quæstion. I. articul. I. quos sequuntur Comimbricenses lib. 4. Physic. cap. 14. quæst. 2. articul. 2.

Ratio est. I. Existentialia rei esse potest sine duratione; vt si res in instanti per primum sui esse incipiat, & simul in eodem instanti per ultimum sui. Este definit, vti fieri posse, contra Ariminensem, alibi dividimus, & concedit etiam Suarez tom. 1. Metaph. disput. 19. sec. 9. num. 8. II. Vtique habet conceptum primo intentionalem, plane diuersum, quorum unus non est alius, nec includit alium; quia ratio existentiae solum in eo consistit, vt res sit extra suas causas; duratio vero moram & perseverantiam eiusdem existentiae significat. III. Sicut hoc vel illud Vbi est separabile à re, non tamen omne Vbi; ita etiam hæc vel illa, tanta vel tanta duratio est separabilis à re & existentia rei: esto duratio vniuersim non est separabilis ab existentia rei. IV. Existentialia & duratio sive æternitas Dei distinguuntur inter se virtute, vt suo loco dictum: Ergo existentia & duratio rei creatæ inter se distinguuntur à parte rei. V. Si tempus non distinguueretur à parte rei ab existentia, tunc non possietponi in prædicamento; siquidem, existentia per se in prædicamento non ponitur.

Nec obstat, quod creatio & conseruatio rei à parte rei non distinguantur; cum tamen creatio tendat formaliter in existentiam rei; conseruatio autem in eiusdem rei durationem. Respondeatur enim negando eam esse rationem creationis & conseruationis. Vtq; enim formaliter tendit in existentiam rei, hoc solum discriminé, quod creatio cum nouitate essendi, conseruatio sine nouitate essendi; quæ sola connotatio extrinseca differunt. Dices. Existere in unico solū in instanti, non est aliquid à parte rei distinctum ab existentia. Ergo nec duratio. Respondeatur negando consequentiam, quia duratio dicit modum existentiae, rei existentis superueniente; non autem sola existentia per unicum instans.

Quia tamen etiam opposita sententia probabilis est, & multis fortè magis probatur; responderi potest secundo, discrimen esse inter Vbi & durationē. Nam Vbi per se est terminus motus localis distincti ab ea mutatione, quæ res producitur: duratio vero non est per se terminus alius eiusmodi motus; ac proinde ratio nulla est, cur hæc ab existentia à parte rei distinguui dicatur. Deinde duratio solum dicit perseverantiam & permanentiam ipsius existentiae; permanentia vero rei prioris, vt sic, non dicit aliquā mutationem eius rei; sed potius constantem & im-

mutatum statum seu conditionem: acquirere autem hunc vel illum locum, cum idem sit, quod moueri localiter, dicit intrinsecam mutationem rei existenti superuenientem. Nec obstat, quod res in prima sui creatione vel productione est in loco & acquirit locum absque mutatione locali. Nihilominus enim, quia id ipsum esse in loco, ex se & sua natura potest esse terminus motus localis rei existenti superuenientis, satis pater, id esse aliquid à parte rei ab ipsa existentia distinctum. Adfert quidem Suarez tom. 2. Metaph. disput. 50. sect. 2. num. 19. alias rationes discriminis inter Vbi & durationem rei: sed quæ parum solidæ videntur.

D U B I U M III.

Per quidnam formaliter Angelus sit in loco; seu quæ sit Angeloratio existendi in loco.

S. Thom. I. p. q. 52. a. 1.

Corpore in loco circumscriptuo formaliter est per quantitatem, omnes consentiunt; sed per quidnam Angelus, seu substantia alia incorpore, ut anima rationalis, cum sit quantitatis expers, formaliter, proprie & immediate sit in loco, valde controvèrtitur inter Theologos. Et referuntur hac de re scriptum vel oīo sententia, vt fere referunt etiam Gregorius de Valentia quæstione tertia, pun. 2. Vasquez disp. 188 & Suarez hic lib. 4. à cap. quarto, tametsi forte re ipsa non omnes dissentiant, ut dicimus.

Prima sententia est, Angelum esse in loco, per qualitatem, seu proprietatem quandam diuinissimam superadditam. Pro hac communiter referrunt A-lensis 2. part. quæstion. 32. mem. 1. Sed quem, est obcurius locutum, Suarez tamen capit. secundo, numero decimo, benigniore sensu explicat, vt per proprietatem illam (non enim vocat qualitatem) solum intellexerit, extrinsecam Dei legem, qua sit, vt Angelus semper aliquo corpore continetur, vt dub. præced. assert. 6. dictum.

Secunda sententia est, Angelum formaliter esse in loco per operationem transiuntem. Ita docent Egidius in prim. distin. 37. 2. part. articulo primo quæstion. prima. Ferrariensis 3. contingent. cap. 68. & plane videtur oīo fuisse sententia Sanct. Thomæ in 1. distin. 37. quæstion. tertia, vti retulimus dubio primo, assertione secunda; si quidem ibidem etiam assentit, Angelum nullibi fore, si nusquam operetur ad extra: quod ita etiam docent citati; referentes etiam pro eadem sententia Sanct. Thomam hic quæst. 52. art. 1. sed immerito, ut dicimus.

Tertia sententia est, Angelum formaliter esse in loco, aut per operationem transiuntem, aut per aliiquid instar operationis, seu actiua, seu passiva, dum nempe Angelus præst. loco, eumque conservat, aut tuetur. &c. Ita docuit Sanctus Thomas quodlib. prim. articulo quarto, & sequitur Capreolus in 2. distin. 2. quæstion. 1. articul. 1. conclus. prim. qui ex Sanct. Thoma ibidem.

ita